

BERMEO. Umeen artean elikadura sanao bultzatzea da egueneko tailerren helburua

Kontsumitzaileentzako bulegoak umeentzako ekintzak antolatu dauz

Umeak be erabiltzaileak eta kontsumitzaileak dirala adierazo dabe bulegoko arduradunek

Onintza Enbeita

Bermeoko Kontsumitzaileen Informazinarako Udal Bulegoak (KIUB) umeentzako ekintza bereziak antolatu dauz eguenerako. Umeentzako partxis erraldoiagaz eta euroen salerosketegaz hartuko dau parte KIUBek Andra Marietan.

Pili Garcia Gotik azaldu dauenez, «igaz tailerrak antolatu genduzan, eta umeek paper birziklatuzko karpetak egin ebezan». Umeek ondo pasau eben, eta ikasi be zer edo zer egin ebe la uste dabe Kontsumitzaileen Bulegokoek. Horregaitik antolatu dabez ekintza barriak aurtongo jaietarako.

Aurtongo ekintza nagusia partxis erraldoia izango da. Umeak eurak, izango dira fitxak, eta aurrera egin ahal izateko hainbat itaun erantzun beharko dabez. Garcia Gotik esandakoaren arabera, euroa, kontsumoa eta elikadura izango dira itaunetako gai nagusiak.

Partxisera olgetea ezeze, izango dabe osterantzeko zer eginik be umeek eguen eguerdiko 12:30ean. Euroak izango dabez euren eskura, eta hainbat fruta erosi ahal izango dabez diru horregaz. Bigarren ekintza horren helburu nagusia, elikadura sanao bultzatzea da. Bide batez, noski, euroa zer dan eta datorren urtetik aurrera eroske-

tak zelan egin beharko diran ikasiko dabe umeek.

«Azken baten, argi dago umeak be kontsumitzaileak eta erabiltzaileak dirana. Zer jaten dabe? Batez be gai kimikoak. Horregaitik irakatsi gura deuseguz, jokoen bitartez, kontsumo munduaren alderdi ona edo sanoa», esan dau Garcia Gotik.

Ganera, bulegoko arduradunak azaldu dauenez, eurak be umeek Kontsumitzaileen Bulegoa ezagutzen daben edo ez

ikusi ahal izango dabe. Horretara bideratuta dagoz, egon be, itaunetariko batzuk.

Kontsumoa eta osasuna

Garcia Gotik azaldu dauenez, ikasturte barriari begira, jardunaldiak antolatzeko asmoa daukie Kontsumitzaileen Bulegoan. «Arrainari begira egiten dira Bermeon elikaduraren ganeko berbaldi eta ekintzarik gehienak. Halandabe, hemen, okela asko jaten da. Horregaitik, eli-

kadura eta osasuna lotuko doguz behi zoroen eta antzerako gatxen arriskuen ganean berba egiteko», adierazo dau Garcia Gotik. Oraindino ez dago data-rik ipinita, baina zemendi edo abenduan izango dira jardunaldiak.

Insitutuetan be, kontsumoaren tartekaritzaren ganeko kanpaina egingo dau KIUBek. Helburua, jente gazteagaz elikadura egokiaren ganeko informazioa lantzea da.



ONINTZA ENBEITA

Datorren egunean, umeakaz landuko dau KIUBek elikadura onaren eta kontsumoaren loturea.

LABURAEAN

GERNIKA-LUMO

Elai Alai aretoan estreinauko dabe Banbulo antzezlanak euskeraz

Irailaren 21ean Banbulo detektibearen abenturak taularatuko dauz Txalo antzerki taldeak Gernika-Lumon. Astebete aurrerago, Bilboko Arriaga antzokian estreinauko da antzezlanak. Halandabe, uriburuan gazteleraz bakarrik ikusi ahal izango dira Banbuloren gorabeherak. Gernika-Lumon egingo dau Banbulok euskerazko lehenengo agerraldia.

BERMEO

Udalbatzarrak bat egin dau Euskadiko sokatira taldeak Japonen hartu eban erabagiagaz

Bermeoko Udalbatzarrak aho batez onartu dau Euskadiko sokatira taldeak Japonen mundialean agertutako jarrera. Sokatirako nesken taldeak urrezko domina lortu eban, baina Espainiako ereserki en-

tzutean, podiumetik behera jeitsi ziran sokatiralariak. Ekintzeak izandako ondorioen aurrean, Bermeoko Udalak «ekintza hori onartu daiala, eta euskal kirolarien alde beharrezkoak diran urratsa guztiak emon daizala», eskatu deutso Eusko Jaur-laritzari. Ganera, aurrerantzean bardin jokatzeraz animau dau Bermeoko Udalak nesken taldea.

Liburutegiko erakusgelea konponduko dabe

Joxemiel Barandiaran Udal liburutegiko erakusgelea konponduko dau Udalak. Guztira 3 milioi pezeta inguru inbertiduko dauz Udalak behar horreetan, eta Publizitate Sistema Negoziatuz emongo dira.

Nagusientzat hamaiketako eta bazkaria izango dira gaur

Gaur eguerdiko 13:30ean nagusientzako hamaiketako izango da Frantzisko Deu-

na enparantzan MB-2000 alkarteak antolatuta. Arratsaldeko 15:00etan, barriz, edadetuentzako herri bazkaria izango da Kasinoan alkarte horrexek antolatuta. Bazkalostean, Javier eta Iciar Dúo Latino taldea izango da Kasinoan.

BUSTURIA

Babestutako etxebizitzak eregitoko asmorik eza salatu dau Batasunak

Busturiako Batasunak agertu dauenez, herri horretako EAJ eta EAK ez dabe etxebizitza babesturik egin gura. Antza denez, lurak barriro kalifikau dabez, eta lehen Udalak, 21 babestutako etxebizitza egiteko asmoa eukan arren, orain, 84 etxebizitza egingo dira eta horreetatik bat be ez da izango babestutakoa. «72 busturiarrek eskatu izan dabe azken hileetan babestutako etxebizitzaren bat, eta agertutako jarrera horregaz gurasoakaz bizitzera derrihortu baino ez doguz egiten», azaldu dau Busturiko Batasunak.

GERNIKA

Skatearen ganeko erakusketea zabalduko dabe hilaren 21ean

O. E.

Irailaren 21etik urriaren 5era, Arteskate izeneko erakusketea izango da Gernika-Lumoko kultur etxean. Alor horregaz lotutako hainbat gauza izango dira erakusketan: komikiak, fanzineak, eskulturak...

Ganera, bideoak eta diapositibak ikusteko aukerea izango da erakusketan, bertan. Hortik aparte, bideo emonaldia antolatu dabe erakusketaren arduradunek irailaren 27rako. Elai Alai aretoan izango da bideo emonaldia, eta erakusketan parte hartuko daben artisten barri emongo da bideoetan. Itxurea denez, artista gazteak dira erakusketan parte hartuko daben gehienak.

Erakusketea zabaltzen dan egunean be, musikea izango da kultur etxean. Hilaren 21ean inauguratuko dabe artista gazteek euren beharren bildumea. Arratsaldeko 19:30ean izango da inaugurazioa, eta animazioarik ez dala faltako ziurtatu dabe antolatzaileek.

Euskal Herria museoan Ars Ligneak jarraitzen dau

Kultur etxean beste erakusketa bat dago orain. Berez, garagarria eta abuztua egin behar eban bakarrik kultur etxean, baina beste bilduma batek huts egin dauenez 21era arte izango dira uriko artisten beharrak kultur etxeko aretoan. Euskal Herria museoan, barriz, zemendiarren 4ra arte izango da zabalduko Ars Lignearen egurrezko elizen ganeko erakusketea.

AGENDEA

BERMEO

Itsua eguna: Gaur goizeko 10:00etan uretako kirolak uhinurrategian itsasoko Gurutze Gorriak antolatuta.

Dantzaldia: Gaur eguerdiko 12:30ean, aurrekuak eta zabaletakoak El Despiste fanfarriagaz Sabino Arana enparantzan. Gaueko 21:30ean, ostera, La Ferreteria del Son talea izango da Lameran.

Kale antzerkia: Gaur arratsaldeko 18:00etan Trapu Zaharra taldearen *Paquetito* antzezlanak Lameran.